



*Jumat , 26 Maret 2021*  
**Ogen: Jeremia 51:36-40**



**Cara Tuhan Nampati**



**N**ggeluh bas doni melala sibentasi kiniseran, sabap kiniseran jadi ayam-ayam geluhta kinahun manusia ndabuh ku bas dosa. Saja bas kiniseran e lit si banci sibentasi, mawen jumpaka kita kiniseran si lanai ngasup kita mabasa sisada, janah ugapa pe ban la lit jalan keluarna adi situndalken pemeteah dengen kengasupenta. Bas paksa sibage me maka melala kita isadarken, la kepe banci ernalem kempak pemeteah dengen kengasupenta jine. Tuhan Dibata ngenca si ngasup mulahi kita alu caraNa. Uga kin cara Tuhan nampati geluh anakNa? Sendah iterangken arah ogenta enda. Uga cara Tuhan nampati bangsa Israel pulah bas pembuangan nari.

1. Tuhan simereken serpang pulah. Kuasa Tuhan ndauh hebaten asangken kerina kuasa si lit i doni enda. Sinasana banci iperentahNa guna ngikutken sura-suraNa. Sanga Ia turun tangan, sumbul-sumbul lau pe banci banna kerah. Manusia hanya perlu ertoto, ernalem man Tuhan alu kerina pusuh ras ukurNa. Maka Tuhan simereken serpang pulah.
2. Ia ngaturken waktu si payo. Megati kita ersura-sura gelah masalahta pedas ijawab Tuhan. Ia si metehsa lambat ras lawenna ateNa ngaturken masalah geluhta. Sebab Dibata la pernah tunduh. Amin gia puluhen tahun bangsa Israel enda arus nenganami kiniseran, sanga bangsa e tuhu-tuhu ngelabuh, ije icidahken Tuhan kuasaNa.

I bas geluhta pe mari siikut-ikut cara Tuhan nampati. perukurenNa la bali perukurenta. Ia lebih meteh kai si sangana dahikenna bas geluhta. Labo gel-gel kiniseran e ukumen, banci jadi e sada pelajaran kiniteken si meherga banta. ikut-ikut saja cara Tuhan nampati pasti luar biasa bas geluhta. Andalken Tuhan ndungi persoalen siman alanken.